

ԵՊԲՀ Գիտակոորդինացիոն խորհրդի
նախագահ, կ.գ.դ., պրոֆեսոր՝ Կ. Բ. Ենկոյան
Կ.Տ. _____

«20» սեպտեմբերի 2017թ.

**ԵՐԵՎԱՆԻ ՄԻՏԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ
ԲԺՇԿԱԿԱՆ ՀԱՄԱԼՍԱՐԱՆ**

**ԳԻՏԱԿՈՐԴԻՆԱՑԻՈՆ ԽՈՐՀՐԴԻ
ՓՈՐՁԱԳԻՏԱԿԱՆ ՀԱՆՁՆԱԺՈՂՈՎՆԵՐԻ
ԱՇԽԱՏԱԿԱՐԳ***

Երևանի Միտիթար Հերացու անվան պետական բժշկական համալսարանի հետազոտությունների որակի բարելավման, գիտակոորդինացիոն խորհրդի փորձագիտական հանձնաժողովների գործունեությունը կանոնակարգելու՝ առավել դյուրին և արդյունավետ կազմակերպելու նպատակով հանձնարարվում է առաջնորդվել հետևյալ ցուցումներով.

1. Գիտական աստիճանի հայցման նպատակով (թեմայի հաստատում և նախնական փորձաքննության) ԵՊԲՀ ռեկտորին ուղղված հայցորդների դիմումները կարող են ընդգրկվել փորձագիտական հանձնաժողովի նիստի օրակարգում աշխատանքը սահմանված կարգին և պահանջներին համապատասխանության դեպքում:

2. ԵՊԲՀ ռեկտորին ուղղված դիմումին կից անհրաժեշտ է ներկայացնել ԵՊԲՀ գիտության վարչության (գիտական կադրերի պլանավորման և պատրաստման բաժնի) կողմից վավերացված՝ տվյալ գործընթացի համար անհրաժեշտ փաստաթղթերի առկայության մասին ստուգաթերթ:

3. Ատենախոսությունը նախնական փորձաքննության ներկայացնելուց առաջ գիտական ղեկավարի կողմից ներկայացվում է եզրակացություն՝ ատենախոսության ավարտուն լինելու (հրատարակված հոդվածների, օգտագործված նյութերի և մեթոդների, գիտական նորույթի, աշխատանքի օրիգինալության, ձեռքբերումների և հայցորդի մասնաբաժնի) վերաբերյալ:

4. Նախնական փորձաքննության և թեմայի հաստատման ներկայացվող բոլոր եզրակացությունները պետք է ունենան առավելագույնը 6 ամսվա վաղեմություն:

*2015թ. Գիտակոորդինացիոն խորհրդի ղեկավարների 25-ի թիվ 8, 2016թ. Գիտակոորդինացիոն խորհրդի մարտի 2-ի թիվ 1, 2017թ. Գիտակոորդինացիոն խորհրդի հունիսի 7-ի թիվ 4 նիստերով հաստատված ուղեցույցի լրամշակված տարբերակ:

5*. Գիտական հրապարակումների արժանահավատության ստուգման նպատակով փորձագիտական հանձնաժողովի նախագահի կողմից կազմակերպվում է փորձաքննություն: Անհրաժեշտության դեպքում՝ պրոռեկտորի համաձայնությամբ և Գիտության վարչության օժանդակությամբ կարող է իրականացվել նաև գաղտնի փորձաքննություն:

6. Դոկտորական ատենախոսությունների նախնական փորձաքննության դեպքում հայցորդի բանավոր զեկույցը ԳԿԽ նիստում պարտադիր է:

7. Ատենախոսության վերաբերյալ գրախոսի կարծիքը (2 օրինակ) ներկայացնելու համար սահմանվում է՝ թեմայի հաստատման դեպքում 7-10 օր, իսկ նախնական փորձաքննության դեպքում՝ 10-15 օր ժամկետ:

8. Փորձագիտական հանձնաժողովների նիստերը գումարվում են ամիսը մեկ անգամ, որպես կանոն, յուրաքանչյուր ամսվա վերջին տասնօրյակում: Անհրաժեշտության դեպքում փորձագիտական հանձնաժողովի նախագահի նախաձեռնությամբ և գիտության գծով պրոռեկտորի համաձայնությամբ կարող է գումարվի հերթական նիստ:

9. Փորձագիտական հանձնաժողովի քարտուղարը նիստից 10 օր առաջ ներկայացնում է գիտակորդինացիոն խորհրդի քարտուղարին թեմայի հաստատման դեպքում գիտական աշխատանքի պլանը, իսկ նախնական փորձաքննության դեպքում՝ ատենախոսության պրեզենտացիոն օրինակը և զեկույցը կայքէջում տեղադրումը սպահովելու համար:

10. Գիտական աշխատանքը անհրաժեշտության դեպքում (լրացուցիչ կարծիքների և նեղ մասնագիտական փորձաքննության, չեզոք գրախոսության կարիք) փորձագիտական հանձնաժողովի օրակարգում կարող է մնալ մինչև 3 ամիս ժամկետով, որից հետո դիմումատուին ներկայացվում է գրավոր պատասխան:

11. Փորձագիտական հանձնաժողովի նիստի արձանագրությանը կից գրավոր և ստորագրված տեսքով ներկայացվում է հայցորդի և գիտական ղեկավարի (խորհրդատուի) մեկնաբանությունները, գրախոսների կարծիքը, ընթացիկ դիտողությունները, առաջարկությունները, հիմնավորումները և առանձին ներկայացված կարծիքները:

12. Փորձագիտական հանձնաժողովի նիստին այլ մարդիք կարող են մասնակցել միայն փորձագիտական հանձնաժողովի նախագահի հրավերով կամ համաձայնությամբ:

13. Փորձագիտական հանձնաժողովի նախագահը գիտակորդինացիոն խորհրդի օրակարգ է ներկայացնում գիտական աշխատանքի (թեմայի հաստատում, նախնական փորձաքննություն) վերաբերյալ միայն քվեարկված և կայացված որոշումներով եզրակացությունը:

14. Փորձագիտական հանձնաժողովի դրական եզրակացությունը հաստատելու համար պետք է հանձնաժողովի անդամների մասնակցության երկու երրորդը և «այո» քվերկման՝ կեսից ավելին:

15. Գիտության վարչության կողմից ԵՊԲՀ պաշտոնական կայքէջում տեղադրվում են գիտական աշխատանքի (թեմայի հաստատում, նախնական փորձաքննություն) վերաբերյալ համապատասխան տեղեկատվություն:

16. Փորձագիտական հանձնաժողովի օրակարգում կրկնակի փորձաքննության ներկայացվող գիտական աշխատանքի (թեմայի հաստատում, նախնական փորձաքննություն) համար սահմանել առնվազն 3 ամիս ժամկետ:

17. Եթե ՓՀ նախագահը հանդիսանում է քննարկվող ատենախոսական աշխատանքի գիտական ղեկավարը և մի շարք այլ դեպքերում, ԳԿԽ նախագահը նիստը վարելու պարտականությունը հանձնարարում է մեկ ուրիշի:

18. Փորձագիտական հանձնաժողովների քարտուղարներն ապահովում են հանձնաժողովի անդամների և նիստին մասնակցող անձանց էլեկտրոնային փոստով իրազեկումը նիստի օրակարգի և ընդգրկված աշխատանքների վերաբերյալ՝ նիստը գումարելուց առնվազն 10 օր առաջ (սակ գիտության վարչության էլեկտրոնային հասցեին՝ science@ysmu.am):

*Հավելված 1

1. Թեկնածուական ատենախոսությունների համար.

1.1. 2017 թվականին ատենախոսության թեման հաստատած աշխատանքները սահմանված կարգով նշված ժամկետում ավարտելուց հետո նախնական փորձաքննության կներկայացվեն Web of Science շտեմարանի Thomson Reuters կազմակերպության ազդեցության գործոն ունեցող որևէ ամսագրում, ատենախոսության թեմայի շրջանակներում, սեփական հետազոտությունների արդյունքների հիման վրա, մեկ հրապարակված հոդվածի¹ առկայության դեպքում:

1.2. 2018 թվականից սկսած՝ նախնական փորձաքննության կներկայացվեն այն աշխատանքները, որոնց հեղինակները Web of Science շտեմարանի Thomson Reuters կազմակերպության ազդեցության գործոն ունեցող որևէ ամսագրում, ատենախոսության թեմայի շրջանակներում, սեփական հետազոտությունների արդյունքների հիման վրա, հրապարակել են մեկ հոդված:

1.3. 2018 թվականից սկսած՝ ատենախոսության թեման հաստատած և նախնական փորձաքննության ներկայացված բոլոր աշխատանքներում հայցորդը պահանջվող հոդվածում պետք է լինի առաջին հեղինակ:

¹ այն դեպքում երբ աշխատանքի ամփոփիչ ատեստավորումը և նախնական փորձաքննության գործընթացը սկսված է 2017թ., սակայն դեռ չի ավարտված, ապա փորձագիտական հանձնաժողովի միջնորդությամբ և ԳԿԽ թույլտվությամբ աշխատանքը կարող է երաշխավորվել հրապարակային պաշտպանության

1.4. 2019 թվականից սկսած՝ նախնական փորձաքննության ներկայացված բոլոր աշխատանքներում հայցորդը պահանջվող հոդվածում պետք է լինի առաջին հեղինակ:

1.5. 2020 թվականից սկսած՝ պահանջվող հոդվածի ազդեցության գործոնը պետք է լինի առնվազն 1.0:

2. Գոկտորական ատենախոսությունների համար

2.1. 2018 թվականից սկսած՝ ատենախոսական աշխատանքի թեման կներկայացվի հաստատման Web of Science շտեմարանի Thomson Reuters կազմակերպության ազդեցության գործոն ունեցող որևէ ամսագրում երկու հոդվածի առկայության դեպքում, որոնցից մեկում հայցորդը պետք է լինի առաջին հեղինակ կամ 1,0 և ավելին գործակից (IF) ունեցող ամսագրում մեկ հոդվածի առկայության դեպքում:

2.2. 2018 թվականից սկսած՝ նախնական փորձաքննության կներկայացվեն այն աշխատանքները, որոնց հեղինակները Web of Science շտեմարանի Thomson Reuters կազմակերպության ազդեցության գործոն ունեցող որևէ ամսագրում, ատենախոսության թեմայի շրջանակներում, սեփական հետազոտությունների արդյունքների հիման վրա, հրապարակել են երկու հոդված:

2.3. 2019 թվականից սկսած ատենախոսական աշխատանքները նախնական փորձաքննության կներկայացվեն հաստատված թեմայի շրջանակներում, սեփական հետազոտությունների արդյունքների հիման վրա, Web of Science շտեմարանի Thomson Reuters կազմակերպության ազդեցության գործակից ունեցող որևէ ամսագրում երեք հոդվածի առկայության դեպքում: Միաժամանակ, պահանջվող հոդվածներից առնվազն մեկում հայցորդը պետք է լինի առաջին հեղինակ:

2.4. 2020 թվականից սկսած ատենախոսական աշխատանքները նախնական փորձաքննության կներկայացվեն հաստատված թեմայի շրջանակներում, սեփական հետազոտությունների արդյունքների հիման վրա, Web of Science շտեմարանի Thomson Reuters կազմակերպության ազդեցության գործակից ունեցող որևէ ամսագրում հինգ հոդվածի³ առկայության դեպքում /կամ/ անկախ հոդվածների քանակից գումարային առնվազն 5.0 ազդեցության գործակից (IF) ունենալու դեպքում: Պահանջվող հոդվածներից առնվազն երկուսում հայցորդը պետք է լինի առաջին հեղինակ, իսկ մեկում՝ վերջին:

3. Web of Science շտեմարանի Thomson Reuters կազմակերպության ազդեցության գործոն ունեցող որևէ ամսագրում հրապարակված հոդվածների համար համալսարանը սահմանելու է խրախուսում:

³ Նշված հոդվածները մեկը կարող է լինել ակնարկային կամ կլինիկական դեպքի նկարագրություն: